

北洋官報

錄目

宮門抄 上諭 交旨

驗放單

奏議○學部奏增訂學堂管理通則摺△度支部奏遵議
 浙省州縣裁免攤提平餘摺△理藩部奏蒙員報捐請
 獎摺△直督奏報蘆屬災歉獨緩銀兩摺
 摺片十二則
 奏願○藩司詳一件△禁烟局詳一件△曲周縣稟一件
 文告四則△軍輔六則△各省四則△講電七則
 彙編○憲政編查館奏定法院編制法
 已酉官報目錄
 閱畫○天津李氏私立兩等小學堂正面圖

本 日 增 刊 己 酉 官 報 錄 目 一 頁

本 報 今 日 加 印 照 片 一 頁

現刻北洋同官錄各處履歷尙未來齊務望於二月內送交敝局以便三月初旬一律印刷
 本局謹啟

宮門抄

二月十五日 禮部 學部 正紅旗值日 都凌阿謝佩帶印綸 恩 葛寶華等同鄉官謝 恩 麟
 祥 明盛 富基預備 召見 鹿中堂請假五日 會侯請假一個月 禮部奏派 册封慶親王正
 副使 派出倫貝子 景厚 現換海龍冠灰鼠一套 召見軍機 麟 祥 明盛 富基 禁煙大臣
 遞封奏二件

上諭

二月十五日奉

旨加恩固山貝子溥忻著在乾清門行走頭品頂戴溥儀著賞給乾清門頭等侍衛欽此

上諭朱家寶奏查明皖省上年被災各屬民情困苦懇恩量予接濟一摺安徽各屬歷歲荒歉上年又遭水患曾經
 加恩將是年錢漕銀米分別緩徵遞緩以紓民力現當青黃不接之時民情仍困苦覽奏殊深憫惻著加恩賞

給帑銀三萬兩由度支部給發著該撫督飭員紳妥為散放務使實惠均霑毋任吏胥舞弊用副朝廷軫念民依

有上加無已之至意該部知道欽此

東陵

西陵內務府京察一等圈出之麟祥明盛富基均著記名以關差道府用

上諭本日召見上年並准其一等加一級欽此

交

旨

二月十五日軍機大臣欽奉

諭旨恭親王溥偉等奏議覆吉林巡撫陳昭常奏吉省辦理禁煙暨提前禁種一律淨盡請將辦理禁煙各員照章擇尤保獎一摺著依議欽此

諭旨恭親王溥偉等奏遵旨調驗已革准補山東嘉祥縣知縣郭鴻賓等均無發癮情形一摺郭鴻賓等五員均著開復原職處分仍令照舊供職原奏失實之前山東巡撫袁樹勛著交部照章議處該部知道欽此

諭旨學部奏請定游學畢業生廷試日期一摺著於四月十五日考試欽此

二月初十日經內閣奏

李應謙陝西補用知州洪瑛河南試用知州田務本直隸試用通判方魯江蘇試用同知周嘉琛貴州試用同知縣王怡土山西補用知縣林源煊梅為霖陳懋河南補用知縣王雷廣東補用知縣郝光第直隸試用知縣吳

用知縣周安冕江西補用知縣陳訓舒安徽試用知縣蕭樹勳石光瑤翁純智廣西試用知縣王慶慶雲南試用知縣陳廷譚浙江補用知縣王蘇元廣東試用知縣陳樹勳石光瑤翁純智廣西試用知縣王慶慶雲南試用知縣陳廷譚浙江補用

均堪以准其留部開復前江西新昌縣知縣楊國璋堪以准其開復原官原銜仍回原省照例用十一日覆奏

奉旨依議欽此

奏議錄要

學部奏增訂各學堂管理通則摺

聖鑒事本年閏二月二十八日臣部具奏分年籌備事宜單開增補

奏為增訂學堂管理通則恭摺具陳仰祈 旨依議欽此自應欽遵辦理查光緒二十九年學務大臣奏定學堂

章程原有各學堂管理通則十三章條目已極詳晰規制已極謹嚴惟該項管理章程頒布尚在數年以前其時臣

部尙未設立揆諸時勢既有今昔之不同垂之法守當求變通以盡利況現在京外學堂設立日多一切整齊約束之方自應日益加詳以臻完備茲由臣等就原定通則悉心釐訂核以京外各學堂現時情形並採取東西各國管理良法逐章增補其原定各條中有不合於現行規制者亦略加刪改以免紛歧而資遵守如以後體察情勢尤應加詳之處臣等仍當隨時奏明辦理茲謹將增訂管理通則繕具清單恭呈 御覽如蒙 俞允卽由臣部通行京外各學堂均遵照此次定章辦理所有增訂各學堂管理通則緣由理合恭摺具陳伏乞 皇上聖鑒謹 奏宣統元年十二月二十八日奉 旨已錄 (通則另錄)

度支部奏遵議浙撫奏浙省州縣異常虧累擬先裁免攤提平餘摺

奏爲遵 旨議奏事據浙江巡撫增韞奏浙省州縣異常虧累擬先裁免攤提平餘一摺宣統元年十二月初二日奉 日奉 上諭有人奏請豁免州縣攤款等語各省攤款一項實足爲地方官之累著查明道府各衙門攤捐款項分別是否重要政務必需之款應否裁除詳細奏明辦理武營攤款並著一併酌辦原摺著鈔給閱看等因欽此仰見 朝廷澄叙官方優加體恤之至意浙省州縣徵收丁漕於同治初年減浮案內規定平餘爲辦公辦漕之需光緒三十年派籌北洋練兵經費就仁利等五十七州縣丁漕平餘項下每縣提銀六百兩至五千五百兩不等嗣因浙西有漕浙東無漕續議將杭嘉湖派提之款於上年冬漕分提一半其餘一半歸當年丁餘勻提奏明通飭在案近年銅元充斥銀價盛漲昔之優缺盡成瘠區且負擔愈重賠累尤甚以致虧欠疊疊參差迫接踵擬請自宣統二年爲始將派提各屬丁漕平餘概行裁免俾稍紓其困難而後嚴策以吏能至練兵經費浙省原認三十萬兩向係就庫設法通挪現在司庫歲收奇絀益不能支並請隨案奏明照數核減其餘司道報効及鹽務釐差各屬節省三成役驛等款公費未定以前暫仍其舊捐提認解等語臣等伏查攤提丁漕平餘認解練兵經費原屬權宜之計當日戶部核議提解盈餘摺內亦有將來銀價昂貴仍准奏予免解之語現在錢法日敝銀價翔高州縣徵解暗中虧折殆由於此該撫所請免提平餘以蘇官困自係實情惟此項平餘既提作練兵經費關繫計授之需不容輕議少減若不先籌的款抵補遽然一概裁免官累雖輕軍食何賴雖司道報効鹽務釐差各屬節省三成役驛等款仍舊捐提認解究竟每年可收若干原奏並未聲叙然即儘徵儘解必不敷此三十萬之練兵經費顧此失彼殊非兩全之策去年湖南巡撫請停免州縣丁漕平餘其練兵經費指明在加收一分稅契及整頓釐金長收款內照數撥解經臣部遵議奏奉 允准誠以官情固宜體恤而軍需尤宜預籌也浙江湖南事同一律相應請 旨飭下浙江巡撫將該省原認練兵經費三十萬如何抵補籌有的款卽由該撫自行奏明再將此項平餘酌量裁免

庶州縣徵解不至爲難而軍餉亦不至無著所有臣等遵議緣由理合恭摺具陳伏乞

皇上聖鑒謹 奏宣統二年二月初四日奉 旨依議欽此

理藩部奏蒙員報捐銀兩照章獎叙摺

奏爲蒙員報捐銀兩照章獎叙恭摺具陳仰祈 聖鑒事竊據車臣汗部落郡王銜扎薩克多羅貝勒棍布蘇倫

呈報世受 聖恩毫無報稱情願遵照例章捐輸銀二千四百兩按八成實銀一千九百二十兩兌交懇乞獎給

三眼花翎此項銀兩交四等台吉達什車林齋京交納等因前來查蒙古汗王捐銀二千四百兩如無翎支者例准

奏明請給翎支汗王爵職戴用三眼花翎支又捐輸章程汗王捐輸銀兩准以八成實銀兌收照例覈給獎叙歷經辦

理在案今車臣汗部落郡王銜扎薩克多羅貝勒棍布蘇倫報捐銀二千四百兩照章按八成實銀一千九百二十

兩兌交請獎給三眼花翎等情臣等覈與例案均屬相符據情上陳恭候 命下卽查照成案由臣部銀庫將

此項銀兩先行兌收行文度支部聽候撥用所有蒙員報捐銀兩照章獎叙緣由理合恭摺具陳伏乞

皇上聖鑒謹 奏宣統二年正月初五日奉 旨依議欽此

直隸總督陳奏蘆風竈地秋禾災歉蠲緩銀數摺

奏爲彙報蘆風竈地秋禾災歉蠲緩銀數恭摺仰祈 聖鑒事案據長蘆鹽運使張鎮芳詳稱查宣統元年蘆屬

竈地曾被災歉前據滄州等州縣場呈報當飭天津分司轉飭會勘查明災歉村莊蠲緩銀數先行分晰曉示停征

開具簡明清摺呈送核辦旋據署天津分司運同汪開社飭據滄州鹽山天津慶雲海豐樂陵等六州縣並豐財蘆

台嚴鎮海豐等四場勘明秋禾被水被蟲歉收三四分及成災五六七分不等開具清摺請核轉等情除批飭各

州縣場將應送竈地被災蠲緩課錢糧各冊結呈送核轉外所有宣統元年分滄州等州縣場竈地被災緣由詳

請查核奏咨等情臣查蘆屬宣統元年竈地被水災歉於是年順直秋災案內聲請分別蠲緩賦課欽奉 諭旨

允准轉行遵照在案茲據詳送查明各州縣場竈地頃畝災歉分數蠲緩帶征課錢糧數目開具清摺前來臣覆

核無異除飭催各州縣場趕緊造具冊結呈送核轉並將清摺咨部外理合恭摺具陳伏乞

皇上聖鑒敕部核覆施行謹 奏宣統二年二月初九日奉 硃批該部知道欽此

摺片摘要

護鄂督楊文鼎奏解三月分新案賠款摺二月十三日奉

又奏解湖北滿綠各營兵餉片同日奉

又奏鄂陽守伍銓萃到省繳憑片同日奉

又奏宣統元年夏季分委署各缺彙奏摺同日奉

又奏撥槍礮經費片同日奉

又奏撥鹽釐銀兩片同日奉

楊文鼎程文炳會奏水師各員出缺請補摺同日奉

浙撫增韞奏架橋木植報銷摺同日奉

又奏派學務公所各科員等片同日奉

湘撫岑春煇奏請以李見荃補靖州直牧摺同日奉

又奏請以鄧師禹試署石門令摺同日奉

又奏解英德本息銀兩片同日奉

又奏光緒三十四年分經征漕項漕糧等項未完一分以上職名摺同日奉

硃批該部知道

硃批該部知道

硃批吏部知道

硃批吏部知道

硃批該部知道

硃批該衙門知道

硃批該衙門議奏單併發

硃批該部知道

硃批該部知道單併發

硃批吏部議奏

硃批吏部議奏

硃批該部知道

硃批該部知道單併發

公牘錄要

藩司詳覆陸軍部電催直屬旗綠各營應送光緒三十四年統計表請飭局徑行報告調查局彙核文並批

為詳覆事案查接管卷內宣統元年十二月二十八日奉 憲台電開頃准 陸軍部有電開本部三十三年統計

辦竣三十四年應報表册業於本月二十五日請催一律送部至宣統元年事件有與三十四年互相增改者亦經

奏明請飭分別聲報務期乙辦甲年俾盡軍事實力均經奉 旨著該衙門知道餘依議欽此欽遵在案希即轉

電轉咨轉飭各該管官凡已將三十四年統計報告表送部者即聲報元年增改事件未經送部者即趕辦表册備

咨送部一面聲報元年增改事件事關重要幸勿再遲為要等因除電覆外希速轉飭所屬欽遵查照辦理等因到

前司移交到本司蒙此查此案前准直隸調查局咨奉 前憲台轉准 陸軍部咨送旗綠各營光緒三十四年應行報告各項表單請飭查填到司崔前司因查單開各項司署册卷毀於庚子兵燹無從考證出入分目頭緒繁紛難以填送事關統計要政一切細數必應確查方能核轉若俟各處填齊再行由司咨送勢必就延難以依限詳辦且旗綠各營散駐四方距省寫遠往返調查有需時日業經先後分別咨行電覆並轉飭旗綠各營遵照單開各項從速填妥徑行報告直隸調查局彙核詳辦各在案茲蒙前因除分行並咨調查局查照趕辦外擬合具文詳覆

憲台查核俯賜飭局辦理實爲公便爲此備由具呈伏乞 照詳施行
督憲陳 批據詳已悉候行調查局查照辦理此繳

直隸禁煙總局天津習藝所會詳擬設煙犯懲戒所文附章程並批

爲會詳事竊維辦理禁煙當以查禁私吸爲先而違禁私吸者貧民每居多數職局前詳定罰章內載吸戶不領牌照吸煙者無論何項人等一律罰洋五元勒令戒煙如無力任罰者取具妥實舖保限令戒斷其赤貧無業不能取保者即送游民習藝所勒限戒煙俟癮斷酌量責充苦力等語蓋以私吸被拏者類多貧苦之流罰鍰既無力呈繳而煙癮未除復不能罰充苦力職局雖設有戒煙醫院但係爲有志斷癮素無過犯者而設若容私吸各犯入院戒煙則薰癘共器涇渭同流似不足以昭公允而示儆戒至習藝所原訂規則僅能教人習藝亦未能與人戒烟職道等再四協商擬於游民習藝所內勻撥房舍另立門戶專收此項煙犯名曰煙犯懲戒所凡私吸被罰無力繳款者概行發所戒煙由職局妥訂章程發給醫藥一切管理規則悉照職所定章并由職所員司就近經理不復另行派員所需開辦經費即以職局拏獲私售煙土影射開燈案犯高春榮續繳罰款洋五百元全數撥充其常年經費由職局醫院經費及罰款項下籌撥應用亦不另行請款以資撙節惟查職所原設看守崗兵本不敷用現添煙犯懲戒所勢難勻撥兼願擬由職所添募看守兩崗計六名餉項軍裝均照原章辦理如蒙允准即乞 俯賜轉飭支應局查照以便添募似此辦理於懲創之中仍寓教養之意於禁煙前途不無裨益職局職所往復籌商意見相同謹將擬定開辦章程開具清摺呈請 鑒核所有擬設立煙犯懲戒所辦法緣由是否有當理合會同備由具呈伏乞 憲台察核批示立案施行實爲公便

謹擬煙犯懲戒所章程十八條繕摺恭呈 鈞鑒 一本所附設於游民習藝所內名曰禁煙總局煙犯懲戒所就原有空房分撥二十間畧爲修葺爲煙犯拘留之室門前懸牌標明另編號舍俾與游民區別 一本所以拘留煙犯勒限戒除化莠爲良俾知愧奮爲宗旨 一煙犯暫以五十名爲額專以違禁私吸擊獲後說明無力罰鍰復不能取保限戒者爲限其能取保者則仍飭赴戒煙醫院領藥自戒不送本所 一所內不設專員擬併歸游民習藝所員司代爲經理惟須另編號簿另立名冊及身分卷各一分以備查考 一所中戒煙凡每日吸煙二錢以內者限兩星期戒淨如身體孱弱素有宿疾經本所醫官查驗後方准展限至多不得逾一月 一所中設醫官一員專司醫藥凡煙犯入所查驗身體強弱煙癮深淺應服何種藥丸卽詳記於體質檢察表內如何按月遞減能否尅期戒淨及飲食一切均聽其指揮遇有戒煙致病者輕則就所診治重則撥歸本所醫院調養 一煙犯出所入所查照游民章程辦法酌量變通入所時更換衣履或有携帶品臨時尤宜加意檢察另立一簿編號登記暫爲存庫出所時驗明證書後原件發還 一煙犯需用衣服被褥等件統由所內購置各犯不准携帶以昭整齊每犯需費若干查照游民章程統由禁煙總局撥發 一煙犯伙食擬仿照游民頭等飯菜每名月需銀二兩五錢按月查照人數由該所提調呈報禁煙總局照數撥發 一煙犯所需藥丸按月由醫官呈報每名用藥若干由本局醫院供給如有戒煙致病就近送習藝所內醫院調治藥費查照游民患病章程歸本局照發惟該犯既在醫院其所內原有飯費卽按日扣除 一所內須整齊嚴肅凡煙犯衣袖擬另編一號記以示區別各犯在所須守游民所規則一律辦理 一煙犯滿五十名約需看護人五名此項看護人如任其出入自由恐滋流弊擬擇游民中習藝不成人尙勤謹者或限滿罪犯情願留所及煙犯戒淨無業可就者均可選擇充當酌給工食如以上三項均無合格之人再酌量外僱但須取具妥實舖保并與游民一律禁止出入俾免流弊 一逢朔望日准煙犯之父母親屬來所看視祇准見面接談不准傳遞銀錢餽送食物尤防私授煙藥其接見時限以二刻鐘爲度 一煙犯如病故所內所需棺木抬埋等費一切查照游民病故章程辦理按月開報領款并函請審判廳派員過所相驗有家屬者准其認領無家屬者暫行掩埋標記 一煙犯在所不准任意出入并不准令看護人代買食物如看護人有傳遞煙藥煙泡等弊查出就近發罪犯習藝所罰充苦力三年與受同科 一煙犯如有起意潛逃確有證據或事先發覺或

事後追回及偷含煙泡巧爲掩飾者均查照游民章程稟送罪犯習藝所罰充苦力年限臨時酌定 一總局檢察課另立一簿憑警局覆函某日發所煙犯若干名出所時憑懲戒所呈報某日出所煙犯若干名編號登記按月彙結一次現留煙犯若干名以備察核 一煙犯限滿經醫官查驗確係戒淨由該所提調呈報總局由局發給證書并飭具永不復吸切結然後開釋如情節較重戒淨後或遞籍安置或罰充苦力臨時由總局核奪如留游民所習藝或歸煙犯懲戒所執役隨時由該所管理酌定逕稟習藝所坐辦酌核辦理

督憲陳 批據詳已悉該局擬於游民習藝所內附設煙犯懲戒所原爲限期戒煙化莠爲良起見所擬章程亦尙周妥應准照行仰即遵照妥爲辦理務須嚴杜弊端節省經費是爲至要并由該局分移支應局暨巡警局一體查照摺存此繳

署曲周縣吳令遠基稟督憲擬試辦徵收訟費文

敬稟者竊維民間訴訟書吏皆有規費久成通例然往往巧立名目百端苛索致訟未得理而家產已破者有之其尤甚者理本壯直或因家貧勢弱任其奸欺若無底之壑未盈雖彌天之冤難洩民氣鬱結千戾天相此又不特敲詐人財之可恨而已伏查徵收訟費東西文明各國一律通行近日天津審判廳參酌仿辦行之數年民間亦甘心輸納絕無流弊蓋由法則明備釐然共見以至於此卑職抵任後細查縣屬訴訟各項規費種類甚多如房費差費堂費及差役傳票之路費茶水費監所之探問費驗盜驗傷驗屍之巡風錢酒掃錢伺候錢公館鋪墊錢公座錢簽筒錢掌刑錢刑書之銀硃筆墨錢刑件之酒錢醋錢布錢等無不以多取重爲民累其他種種名目尙難悉數而關於財產訴訟索取尤奢其鬼蜮伎倆往往巧遁於法之外而又借法以行奸民力幾何豈堪腹削推原其故皆因無一定章程以爲程限遂使鄉里愚民罔知所措一遇訴訟唯有俯首抑氣聽其敲剝卑縣民多瘠苦性又樸愿言念及此殊可矜憫卑職現擬仿照 法部酌擬各級審判廳試辦章程天津審判廳章程並參以地方情形民俗習慣將各項訟費一律分類釐定擬訂試辦徵收訟費章程三十二條懸掛大堂俾民間人人週知將以前所有各種規費概行禁革不准於章程所指定者外多取分文更不得另立名目仍前作弊期與上下內外盡祇前愆庶幾編戶齊民稍甦積困除俟奉到 憲批再行遵辦外所有卑縣酌擬試辦徵收訟費緣由是否有當謹將章程繕摺稟請

大帥鑒核批示祇遵

文告錄要

督憲批示○朝陽府巡董孫慶璋稟請保留李統領永芳由 批據稟已悉查李統領永芳業經調署天津鎮總兵并將遺差檄委協領恆齡前往接署在案所請留防之處應毋庸議此批○工藝局詳勸工陳列所教育品製造所宣統元年所售入覽票數由 批據詳已悉册存此繳

學台批示○天津商務印書館有限公司稟翻印學部所編教科書仰乞批示祇遵由 批稟悉該公司翻印部編教科書自係遵章辦理應予照准惟直隸教育圖書局有限公司業經與各屬預約訂印其第一批工價由學務公所支墊開機並由本司札行各屬遵照矣所請通飭各學堂專向該公司採辦之處事涉紛歧未便遽予照准此批

直隸警務處批示○晉州歲貢趙紹先等稟區長勤勞異常請擢派巡官一案 批據稟已悉該州區長吳一成辦事勤勞成績昭著深堪嘉許至所請擢升巡官一節該州現時有無缺額仍由該紳等稟明該縣核辦可也○河

間縣議紳張嶽嵐稟在途被劫一案 批據稟已悉已札行該縣嚴緝矣此批

保定府批示○獻縣漢軍旗人孔張氏呈 批此案歷訊該氏堅執孔四正兇孔慶虎率領殊屬有意牽累未便紛

紛提質已派員前往獻縣會同就近提集研審確情取具供結並驗明孔慶湖被毆左臙膀一傷果否平復應否摘提人証來省據實稟辦該氏即回籍投質勿得延悞

畿輔近事

憲政編查館要電○憲政編查館接護鄂督電云諮議局常駐議員能否再與各項考試館章未有明文如常駐員自願就各項考試應否辭職抑作何辦理請電示遵辦當即覆電云陽電悉上年十月據黔撫電詢議長及常駐議員等項可否准令應試當經電覆察酌於職務無碍應准與考惟曠職日期逾定章限制者即令辭職在案即希查照辦理此覆

彙紀外人遊歷事○督憲准外務部咨美國人麥稔赴直隸河南山西奉天等省游歷又美國人韓偉華女師美斐

亭赴直隸江蘇江西福建舉德疑女士高恩惠赴直隸河南江蘇湖北山東山西河南等省游歷又據津海關道呈日商新開甚吉由津赴直隸盛京兩省地方游歷又英美煙草公司商人花利赴直隸河南山西游歷又日人原口新吉外二名杉本輝彥宮里藤吉由津赴直隸省一帶地方游歷各等情除分行外已札飭所屬照約保護矣

鐵路添購地畝請除錢糧○督憲據獲鹿縣陳令敬送詳稱宣統元年十二月二十八日蒙憲台札發正太鐵路添購地畝弓口畝數花名清冊二本令即查照除糧等因蒙此遵查正太鐵路添購卑縣各村莊共地二十四畝零九釐內有各該莊頭承領內務府旗地十九畝五分一釐並寄莊正定縣地三畝五分八釐除造冊申送內務府並移正定縣核辦外所有卑縣民糧地一畝按冊核對糧名分別某里社某人名下應除糧銀若干暨自宣統二年除糧爲始擬合造具花名清冊具文詳送憲台查核云云奉批詳冊均悉仰布政司核明詳辦繳

札知比商停止修路事○津海關道札議事會文云本年正月二十六日據租界委員張倬式文王縣丞元愷稟稱

竊卑職等於去歲十二月十五日奉憲台札開准天津四鄉巡警總局咨稱據海河巡警一局孫巡官會雲稟稱所有比商費衛修墊海大道事前並未商允卑局等情相應備文咨覆查照等因准此合行札飭札到該員等即便查照核辦具覆等因奉此現經卑職等將孫都司稟覆情節質詢比商費衛茲據比商面稱仍以商准土城孫巡官方爲修理此路爲詞並云雖未立有約據即以東樓村之橋梁亦係費某出資提倡補修以便通行事同一律彰彰在人耳目况既墊修一二里長之馬路需用工人匪少明目昭彰確屬該巡警汛地之內焉有不知之理等語當經卑職等以路政主權所關力爲辯駁無論有無証據會商與否未便置議即應以事論事巡官本無允許他人修路之權而外人亦無擅自修路侵佔主權之理該比商費衛緘口無言隨亦自願以後不爲修理此路任聽其便作爲完結等語爲此備由稟覆查核案俯將比商所修梁園門外海大道一段收回情節照會比領事備案並咨南段巡警總局札飭土城巡警查照嗣後往來車輛妥爲保護以專責成並請札飭天津縣議事會知照等情據此除咨會南段巡警局查照並照會比領事查照備案外合行札飭

釐定加征田房稅銀辦法○曲周縣吳大令遠基出有告示云照得現奉上憲轉奉 度支部奏定新章加收田

房稅銀計每買價一兩共收稅銀九分典價每兩收稅六分業經遵照辦理將 藩憲頒發告示張貼曉諭在案惟縣屬征收田房稅銀向係按照錢糧價折征合計每銀一兩約需折收制錢二吊有奇查定章程征收稅銀凡照錢糧價折征之處每稅一兩折征銀價仍以制錢二吊爲度於徵課之中仍厲恤民之意今縣屬徵收田房稅銀每兩至逾制錢二千以外顯與定章違背本縣正擬原本定章略予變通一律改爲收銀以免影射巧取之弊甫經核定示諭旋奉加稅新章頒發到縣亟應及時規定免致重滋擾累除諭飭冊書官中人等一體遵照外合行出示曉諭爲此示仰闔邑人等一體知悉自示之後爾等如有置買及典當田房務各遵照新章每買價一兩納銀九分典價每兩納銀六分其徵收稅價一律改爲收銀譬如應納稅銀一兩卽交庫平足銀一兩如寔係交銀不便仍准按庫平庫價折錢交納以期便易倘承辦冊書及官中戶書人等有任意需索及仍前舞弊以錢糧價折征蒙濫影射額外多取等情事卽來縣密稟以憑懲辦爾等亦須知經本縣此次釐定出於民者所省已多現在雖奉行新章然將舊日浮收之數與今日應納之數兩相比較每契價一兩不過多收制錢二三十文是則新章雖行而民間并不十分加重爾等務須無欺無隱照實納供以副本縣區區除弊之意其各凜遵勿違

官立女學堂招生簡章○清苑官立第四初等女學招生簡章如下 一學科 修身 國文 算術 體操 音樂 一年齡十四歲以下 一鐘點每日四小時 一學費免收應用書籍等項均由自備 一報名大慈閣宣講所每日下午一鐘至四鐘填寫願書 一取保保人親身到堂簽押 一開學定期後通告 一地址雙井胡同北頭路西

各省近事

投票公舉議長議紳○奉天承德縣金大令於初三日會同本縣公正士紳張仙舫等七十餘名在自治研究所公舉通達學務素負聲望之紳以便出具考語送府轉詳提學使聘充學務議長議紳是日曾君有翼得二十三票戴君裕忱得二十一票孫君百斛海君清各得十二票金大令已出具考語轉詳矣 (錄東三省日報)

清理公款公產之開始○山西諮議局同歲議決清理地方公款公產所定辦法極爲詳密惟倡辦伊始阻撓殊多故各屬遵照議案進行者絕少頃聞武鄉縣已舉定李主事華炳爲總理襄垣縣亦於勸學所附設事務所公推

連篤敬爲總理郝尙德趙海清二人充協理刻正籌議開始辦法云 (錄并州官報)

繡業賽會之特品○湘省協贊南洋勸業會各品協會以湘中繡業早已遠近馳名如市面繡業店中所製名人肖像莫不栩栩欲活神彩煥然又如摹繡各種碑帖以及大家書畫亦復精微入妙無美不臻現值南洋勸業會開會在即爰特定繡極大世界百傑圖屏一副限期製成每塊直長約八尺許橫寬約三尺許每塊圖像一人而以雕刻極精之黃楊木爲之邊沿現在加工趕辦以備及時運往陳襄冀得推爲特色云

扶助公立中學辦法○駐湘省南路公學現改爲南路公立中學堂所需款項由衡永郴桂四屬士紳陸軍部主事曾熙等具稟提學使司請予飭屬提解當奉批查湘省稅契項下曾於光緒三十年奉前升撫部院趙批定准各州縣就地截留一成撥充辦學警之用定案以來已閱數載各屬收入雖有多寡其撥入辦學一部分者皆已抵支本境各校常費中途飭令提解於事本有所難惟駐省南路公學該路二府二直隸州全體士紳公共議定之校於全路教育頗有關係自應特別扶助此案昨奉撫部院批行到司業經本司會同布政使司核議詳覆請照原呈辦法由司札飭南路各屬各按粘單開載數目會紳籌畫騰挪逕由各勸學所照解南路公學應用矣希即知照

譯電錄要

英國紡棉家會議○路透電云英國紡棉家在曼柴斯德地方會議擬組織改良關稅協會并將世界各國棉廠約齊以便同心舉辦

美國添造兵艦○路透電云據美京電稱美政府現將添造兵艦經費表宣布共一百二十九兆美元擬添造戰艦兩艘(姊妹艦)巡洋艦兩艘潛水魚雷艇五隻

土皇款待布王○柏林電云土皇設筵款待布加利亞國王均未舉杯相賀

義王贈送德相勳章○柏林電云義王以安希達頭等大勳章贈與德首相赫洛威克氏并設筵款待

義國組織新內閣○柏林電云義王諭令前首相智利的氏組織新內閣

俄議長謁見俄皇○柏林電云俄議院新選議長葛士庫氏謁見俄皇稟陳議院應辦要件

俄皇款待塞王○柏林電云俄皇設筵款待塞王并舉杯祝賀俄塞兩國邦交之親密以及巴洛堪半島和平大局

第七條 大理院爲合議制其審判權以推事五員之合議庭行之
第八條 合議審判以庭長爲審判長庭長有事故時以庭員中資深者充之 獨任審判即以該推事行審判長之職

第九條 審判衙門推事審判訴訟案件其事務分配及代理次序卽有未合本法所定者其審判仍屬有效關於登記及其他非訟事件亦同

第十條 地方及高等審判各分廳及大理分院審判訴訟案件準用各本廳及本院之規定但有特別規定者不在此限

第十一條 審判衙門之設立廢止及管轄區域之分畫或其變更事宜以法律定之
第十二條 推事員額由法部奏定之

第十三條 審判衙門權限及辦事方法本法所未定者按照訴訟律及其他法令所定辦理
第二章 初級審判廳

第十四條 初級審判廳視事之繁簡酌置一員或二員以上之推事
第十五條 初級審判廳如置推事二員以上得以資深者一員爲監督推事監督該廳行政事務 其置推事一員者該廳行政事務由該管地方審判廳廳丞或廳長監督之

第十六條 初級審判廳按照訴訟律及其他法令有管轄第一審民事刑事訴訟案件並登記及其他非訟事件之權

第三章 地方審判廳

第十七條 地方審判廳視事之繁簡酌分民事刑事庭數並置二員以上之獨任推事
第十八條 京師地方審判廳置廳丞一員各省地方審判廳置廳長一員總理全廳事務並監督其行政事務仍兼充一庭長 各庭置庭長一員除兼充外以該庭推事充之監督該庭事務並定其分配

第十九條 地方審判廳有管轄左列民事刑事訴訟案件及其他非訟事件之權 第一審 不屬初級審判廳

權限及大理院特別權限內之案件 第二審 一不服初級審判廳判決而控訴之案件 二不服初級審判廳之決定或其命令按照法令而抗告之案件

第二十條 地方審判廳合議庭庭長得派該庭推事辦理刑事案件豫審事務豫審完畢後該推事仍得加入本庭合議之數 地方審判廳丞或廳長得臨時派該廳獨任推事辦理豫審事務

第二十一條 各省因地方情形得於地方審判廳所管之初級審判廳內設地方審判分廳

第二十二條 地方審判分廳得酌置民事一庭刑事一庭並置一員或二員以上之獨任推事

第二十三條 地方審判分廳合議庭推事除由本廳選任外得以分廳所在初級審判廳之推事兼任之但每庭以一員為限其獨任推事仍不得兼任

第二十四條 地方審判分廳如置合議庭二庭以上或獨任推事二員以上以資深者一員為監督推事監督該分廳行政事務 地方審判廳廳丞或廳長於分廳所在及鄰近之初級審判廳得以第十五條第二項之權限全分或一分委任於該分廳之監督推事

第四章 高等審判廳

第二十五條 高等審判廳視事之繁簡酌分民事刑事庭數

第二十六條 高等審判廳置廳丞一員總理全廳事務並監督其行政事務 各庭置庭長一員以該庭推事充

之監督該庭事務並定其分配

第二十七條 高等審判廳有審判左列案件之權

一不服地方審判廳第一審判決而控訴之案件

二不服地方審判廳第二審判決而上告之案件

三不服地方審判廳之決定或其命令按照法令而抗告之案件

四不屬大理院之宗室覺羅第一審案件

第二十八條 各省因地方遼闊或其他不便情形得於高等審判廳所管之地方審判廳內設高等審判分廳

三十日

署督憲那據學司詳酌擬懲處北洋法政學堂員司報

銷弊混咨部核辦文

署督憲那據礦政調查局詳曲陽審戶聚眾抗不領照

札飭該縣妥為辦理文

署督憲那據啓新洋灰公司詳擴充北分廠設立磚窰

請免別立公司咨請農工商部查照文

七月初一日

農工商部咨行各省仿照貴州酌留度量權衡舊器辦

法文

督憲端准農工商部咨礦稅情形札飭礦政調查局查

核文

天津道稟修築北運等河堤工出力各員擬請給獎文

肅甯縣李令士田稟遵飭會議警務改良情形並請查

核文

初二日

督憲端據礦政調查局詳覆核議沙河縣境煤窰稅照

前案妥辦札飭沙河縣遵照文

新樂縣麥令汝良稟捐籌經費招募馬勇協同馬巡練

軍分路巡邏文

天津縣議事會申津海關道請禁止租界淫戲文

初三日

督憲端據商人姚錫康承辦兩廣借運蘆鹽請發護照

札飭運司暨津海關道查照文

署督憲那據永屬鹽司稟擬請招募馬步緝私隊以資

巡緝札飭軍械局撥給槍彈文

運司詳准長蘆緝私局會辦何道移知稟懇開去緝私

同會辦差請准以何道炳宗接充文

天津縣議事會申津海關道文

初四日

督憲端准稅務大臣咨請飭各關嚴禁外洋銅元手搖

機器札飭各海關道遵照文

賑撫局照會天津商會勸辦賑捐事宜文

天津縣董事會移津浦鐵路購地局文

吉林禁煙公所呈覆移行禁止沿鐵道一帶地方栽種

罌粟文

初五日

督憲端據礦政調查局詳酌擬禁止鄰礦入直充銷辦

法咨請河南山西撫院查照文

護江督樊札甯藩司獎賞徐屬查禁煙種得力印委各

員行司註冊文

吉林民政司呈覆遵飭籌議測繪政事輿圖請核示文

初六日

天津商會奉農工商部札知種柞養蠶事宜照會各分

會查照文

東鹿縣馮令宗岱稟遵設巡警教練所開辦情形文

東督錫吉撫陳通飭各屬禁交卸時減價稅契文

初七日

督憲端據彭道庚良稟請裁撤隨辦巡防營務處差札

司查照文

天津縣董事會函致工程總局文

皖撫朱通飭核定督練公所規制文

江南商務總會稟護院樊請核咨編發粗淺文義商事

習慣問題文

初八日

天津縣議事會函致工程總局文

河南諮議局籌辦處詳報自治研究所開辦日期及應

籌辦各事文

初九日

天津縣董事會移天津縣第二次選舉議員文

第二次天津縣議事會當選議員劉孟揚李鎮桐上諮

議局籌辦處文

山西河東道詳撫院設立初等實業學堂文

四川南部縣稟改立農務分會成立暨籌辦塘堰井眼

情形文

初十日

籌辦地方自治總局札發自治研究所章程文

河南學司詳報中州女學款絀應如何設法籌撥常年

官款文

十一日

郵傳部鐵路總局札各路局設立工匠夜學所文

天津縣議事會稟督憲代議地價情形文

天津縣董事會移董事會文

籌辦地方自治總局函覆董事會文

安徽牙釐局通飭各釐卡申覆徵收釐金慣例文

十二日

督憲端准郵傳部咨札飭各屬保護永定沿河一帶鐵

路文

督憲端准津浦鐵路大臣咨接收津浦鐵路關防日期


札飭司道查照文

總辦天津北段巡警熙道鈺稟請開去造幣津廠習藝

所會辦兩差文

河南南陽府稟調查局奉到統計表說日期暨有疑義

請示祇遵文



李氏私立兩等小學堂正面圖

天津商務印書館分館廣告

謹贈月份牌
五彩

歲逢庚戌萬象更新本館特製月份牌一種文雅富麗兼擅其勝專備購書諸君贈品以助雅興凡購本館書籍圖畫滿現洋二元者謹贈月份牌

份牌一張滿四元者二張餘可類推不滿二元者不贈訂定正月初十日贈起

至三月初十日止 如期內業已送完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附郵票購書章程凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子七等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 記

本行開設天津上海香港志呢華海參巖等處均設立有年諸班貨物由外洋本機器廠自造鑲蘭洋鐘皮套鐘天文坐卦等鐘以及金銀夾金鋼鑲等表約有二百餘宗並各樣表鍊金鑲珠寶鑽石戒指留耳墜鑄子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅縐絛洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

嶧縣中興煤礦有限公司添招新股廣告

敬啟者本公司前蒙農工商部奏派承參上行走前長蘆運台周到嶧調查商籌擴充辦法預算五年內路礦用款出煤噸數並議召新股清平足銀二百二十萬兩具文呈復旋蒙農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程詳善呈部奉准立案茲將部札原呈及添招新股章程登告以供公覽其擴充辦法及出煤獲利取息分紅各節均詳周都轉原呈並茲將章程毋庸贅述如有遠近官紳商庶願附本公司礦股者自一股至數百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨函告濟南總理處填寫股票息摺寄回轉交附股人收執為憑以收足原議之數為截止之期幸勿觀望自失利益特此敬佈

工商演說廣告

啓者二月十八日晚八鐘至十一鐘仍借東宜講所內演說工商各項要理并請劉巨川先生續演開辦銀行法王懷清先生演說中國幣制應如何改良李子鶴先生演說公司之利益宋則久先生演說中國經商有特別之難紀管澤先生演說興工商乃練兵強國之起點務希各工商屆時 惠臨入聽不取分文特先佈告天津勸工陳列所

奏辦京師自來水有限公司訂期開股東常會廣告

查本公司招股簡章第二

十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針亟須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日携帶股票赴本公司驗明填發入場券屆期即可持券入會如不先領入場券臨時碍難接待謹啓

北洋灤州官礦有限公司訂期開股東常會廣告

啓者本公司現屆第二期派利

謹擇於二月二十五日下午二鐘假座天津河北李公祠東院翠棚內舉行股東常會應請有股 諸君於會期前三日携帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

啟新洋灰有限公司舉行股東會議

敬啓者本公司現屆第三次派利謹擇於二月十六日下午二點至六點鐘舉行股東會議座設海大道英租界本公司總理處務祈有股 諸君於是日未刻 惠臨集議爲盼 本公司謹啓

督署兩等小學續招學生廣告地址

督署後天緯路北學級 本校分高等初等兩級

資格 高等以能作短文爲合格初等識字與不識字均可 **課程** 遵章 **報名** 自二月初一日起至二月三十日截止本在堂庶務處 **考期** 三月初一日早八點鐘考高等學生下午兩點鐘考初等學生 **學費** 不收

北洋灤州官礦公司開收第二期股本廣告

啓者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票爲憑以便驗票收款天津本埠以三個月爲限交法界五號路十四號門牌本公司總理處其外埠較遠以五個月爲限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啓

京奉鐵路局招考廣告

本局現奉 郵傳部札飭在天津地方招考交通傳習所郵電高等簡易兩班學生違於二十一二三等日在地方東南城角北洋中學堂考試如有身家清白程度合格願入該所肄業者即於十八日以前備帶相片開具三代年歲籍貫並同的實鋪保來局報名註冊以便臨期分別考試除照章出示曉諭外特此廣告程附後 郵電班招生章程一須身家清白年紀在十八歲以上二十五歲以下 一高等班入學程度一英文會讀四年以上者二英文論說三漢文譯英四英文譯漢五口授英文講義筆錄六代數至雙位方程式為止七普通奧地八理化九國文除國文論說用中文考試外其餘數奧地理化三算術四理化學大意五英文能作淺近答問者一郵電高等班用英文中文相問教授兼習法文二年授課半年實習共二年半畢業簡易班全用中文教授一年授課半年實習共一年半畢業一報名考試在京取具(同鄉官印結本旗圖片)在取具殷實鋪戶蓋戳並携帶相片無論錄取與否相片均不發送一報名考試在入堂時各人填註保結或簡易班分別填册一考取學生由官醫細驗身體強壯無疾病者方准入堂一入堂時各人填註保結本生自負志願書一通存案一不設宿舍不備飯食其上海香港漢口考取各生到京時先由傳習所備客棧暫住供給飯食半個月以後概由該學生自理至北京天津考取學生概不供給一入堂後成績最優者酌書籍彙器等獎張及一切雜用品均不發給其教科書及操衣靴帽均由所備辦該生繳價領用一各埠考取學生呈具保單志願書後按名給與船票車票來京其餘一切零費概不發給一入堂後考試成績最優者酌書籍彙器等獎品以示鼓勵 郵電高等班功課表 第一年 第一二學期應授課目 各國郵政章程大概 郵政管理法 甲國內郵便 乙國際郵便 郵便儲金 電政管理法(附各國電政章程) 電氣通信術(附電氣通信機概要) 商業簿記 英文 法文(兼習) 第二年 第三四學期應授課目 各國郵政章程大概 中國現行郵政章程 公郵政管理 甲國內郵便 乙國際郵便 郵便儲金 郵便匯兌 電政管理法(附各國電政章程) 中國現行郵政章程 國現行電政章程 電氣通信術(附電氣通信機概要) 各國貨幣攷 商業簿記 商業經濟學 交通地理 甲木國交通地理 乙世界交通地理 萬國郵政公會之組織及其歷史 萬國郵政之沿革 國附應用公債) 英文 法文 郵便儲金(法規及管理) 電信法規 電氣通信術 數學 內國郵政管理 郵便匯兌 外國郵政法規 外國郵政管理 郵便匯兌 文 外國文 第二學期 內國郵政法規 內國郵政管理 數學 外國郵政法規 外國文 (法規及管理) 電信管理 貨幣攷 電氣通信術 數學 地理 國文 外國文